

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Nesciui anima mea conturbauit me, propter quadrigas Aminadab.

urn:nbn:de:hbz:466:1-34445

COMMENTARIO. LIB. VI. Fo. 98

Agricolæ autem uidentes filium, dixerunt intra se: Hic est hæres. Venite occidamus eum, & habebimus hæreditatem eius. Et apprehensum eiocerunt eum extra uineam, & occiderunt eum.

¶ Secundum (inquam) parabolam illam, ego descendì in ortum nucum, id est, sub lege factus sum, ut uiderem poma conuallis, id est, ut consolarer eos qui me expectabant in spiritu humiliatis. Iuxta illud: Spiritus domini super me eo quod unxerit me dominus. Ad annunciatum mansuetis misit me, ut mederer contritis corde, & prædicarem captiuis indulgentiam, & clausis apertioem & cætera. Non solum autem, sed & ut inspicerem, si florueret uinea: illa nimis rurum uinea, de qua scriptura prophetica dicit: Vinea facta est dilecta in cornu filio olei & cætera, usque, uinea enim domini exercituum domus Israhel est, At illi agricolæ eiocerunt & occiderunt me. Veruntamen licet, haec mihi fecerint, aliqua pars eorum tandem poenitens istud cantabile dixit.

Nesciui anima mea conturbauit me, propter quadrigas Aminadab.

¶ Vbi nam hoc dictū fuit? Cū dicerent eis amici nostri, certissime ergo sciat omnis domus Israhel, quia dominum eum & Christum deus fecit hunc Iesum, quem uos crucifixistis: His auditis compuncti sunt corde & dixerunt ad eos. Quid faciemus uiri fratres? Et quidam talium notissimus ita dicit. Fui blasphemus & persecutor & contumeliosus, sed misericordiam consecutus sum, quia ignorans feci in incredulitate. His atque alijs modis dixit poenitens synago-

N 2

Descendi
in hortum
nucum.
Esa. 61.
Luc. 4:

Esa. 5

Actu. 2

I. Timo. 1

RVP. INCANT. CAN. CA. VI

ga siue aliqua synagogæ pars. Nesciui, anima
mea conturbauit me, propter quadrigas Aminadab.
Quare autem sic dixit: anima mea con-
turbauit me propter quadrigas Aminadab, &
non dixit, conturbauerunt me quadrigæ Ami-
nadab. Consyderate amici prius ipsas quadri-
gas Aminadab, & uidebitis multum pertinere
ad rem, q[uod] dicit, anima mea conturbauit me, &
non dicit, quadrigæ conturbauerunt me.

¶ Quadrigæ Aminadab quatuor sunt euangeli-
ca sacramenta dilecti, uidelicet incarnatio uel di-
uinitas eius, passio eius, resurrectio eius, & ascen-
sio eius. ¶ Propter huiusmodi quadrigas anima
mea (inquit) conturbauit, id est, coetus pharisa-
icus in seditiones excitauit me, ut talium quadri-
garum cursum non possem discernere, uidelicet
præuenta quadrigarum earundem non bona &
stimatione, secundum suasiones & iniqua con-
silia illius talis animæ meæ. Coetus nanci phari-
saicus erat uel esse debebat anima mea, id est, ita
plebem uiuiscare uel regere, sicut corpus uel
omnia membra corporis uiuiscat uel uegetat ani-
ma: utpote magistri uel sapientes, legem & pro-
phetas scientes, imo & totam clauim scientia-
tollentes. Talis anima mea conturbauit me, ut
ad scientiam non possem introire, & intelligere
quadrigas Aminadab, quod testimonium eis p-
hibent lex & prophetæ.

¶ In quo uel unde dilectus Aminadab? Quo p-
tinuit ut tali in re uocaretur Aminadab? In eo ni
mirum, q[uod] unus idemq[ue] dilectus, rex est & pon-
tifex magnus, & in se uno personam utrang[ue] cō-
iunxit, uidelicet sacerdotis & regis; secundu[m] ty-

Lucæ, II.

COMMENTAR. LIB. VI 99

pum uel similitudinem illius viri Aminadab, q
cum esset de tribu regia, scilicet de tribu Iuda, de
dit filiam suam in coniugium homini sacerdoti
Aaron de tribu Leui, sicut in Exodo scriptum
est: Accepit autem Aaron uxorem Elizabeth, fi
liam Aminadab, sororem Naason, quæ peperit
ei Nadab & Abiu & Eleazar & Ithamar.

Exod. 6

Et ille quidem Aminadab, filiam suam semel
datam illi Aaron, ad semet ipsum nō reduxit aut
reducere debuit: iste autem Aminadab, iste dile
ctus & primogenitus, sacerdotium suum quod
semper ante Moysen & Aaron primogenitorū
fuit, pro tempore autem & propter quandam di
spensationem, de qua multa essent dicēda, præ
statum est tribui Leui: sacerdotium inquam su
um exultando, & quadrigis iam dictis uiam su
am currēdo, repetit & ad se reduxit, in omnibus
spontaneus, sponte incarnatus & natus, sponte
passus, & in ipsa passione sua ipse sacerdos & i
pse hostia sponte factus, secundum hoc ipsum no
men Aminadab, interpretatur enim populi mei
spontaneus: Non solum autem sacerdotiū suum
ita repetit & ad se reduxit, uerum etiam ad anti
quam speciem formamq; p̄fistinam reuocauit,
sicut in spiritu prædixerat Dauid: Iurauit domi
nus & non poenitebit eum, tu es sacerdos in æter
num secundum ordinem Melchisedech: Igitur
anima mea conturbauit me, ait, propter quadri
gas Aminadab: uidelicet malo zelo ipsa turbata
& confusa præ inuidia, caussam suam quasi do
lendam declamans, eo q; cursores siue aurigas q
drigarum istarum audisset, dicentes, quoniā Ie
sus Nazarenus hic destruet locum istum & mu

Psal. 109.

N 3

RVP. IN CANT. CAN. CA. VI.

tabit traditiones, quas tradidit nobis Moyses. Et multa his similia, seu ante seu postquam cursum suum perfecit iste Aminadab, Voces autem eiusdem Aminadab currentis in quadrigis suis erant huiusmodi.

¶ Reuertere reuertere Sunamitis reuertere reuertere, ut intueamur te.

¶ Tu (inquit) o Sunamitis, id est, captiva uel de specta, tu o fides, ueri sacerdotij dignitas, propter carnales cæremonias pene obliuioni tradita, ita ut nesciat neque recogitet synagoga, quia non per legem, sed per te, scilicet per fidem, iustificatus est pater eius Abrahā, sicut scriptū est: Credidit Abraham deo & reputatum est ei ad iustitiam, reuertere & iterē dico reuertere, & tertio dico reuertere, & quarto dico reuertere, uidelicet secundum istas quadrigas meas. Nam & ad hoc natus & ad hoc passus sum, ut tu reuerteris, & resurgens atq; ascendens in cœlū, reuersio nem tui inclamare non destiti. Cunq; reuerteris tu mihi es Sunamitis, q; uel me uel patrem meum antiquum dierum calefacias secundum similitudinem hāc. Et rex David senuerat, habebatq; ætatis plurimos dies, Cunq; operitur uestibus, non calefiebat. Dixerūt ergo ei servi sui. Quæramus domino nostro regi adolescentem uirginem, & stet corā rege, & foueat eū, dormiatq; in sinu eius, & calefaciat dominum nostrum regem, Quæsierunt igitur adolescentem speciosam in omnibus finibus Israhel, & inuenierunt Aby Sach Sunamiten, & adduxerunt eam ad regem, &c.

¶ Hæc denique, sicut & alia sunt per allegoriam

Nō p legē
sed per fi-
dem iusti-
ficatio est
Roma. 4
Gen. 15.

3. Reg. I